



TATITRY NY FILANKEVITRY NY MINISITRA LAPAM-PANJAKANA IAVOLOHA- ALAROBIA

21 AOGOSITRA 2019

I - FAMPAHAFANTARANA

TARATASY NATAON'NY FILOHAM-PIRENENA :

MITAKY ASA MIVAINGANA:

Nanomboka ny fe-potoana niasako dia efa nambarako ombieny ombieny fa ilaina ny asa mivaingana. Efa nasehontsika izany tamin'ny fahafainganan'ny fanapahan-kevitra noraisina sy ny fanatanterahana ireo asa vita tao anatin'izay enimbolana voalohany izay. Ireo no nahatonga ny mpiara-miombon'antoka amintsika nanamafy ny fiaraha-miasan'izy ireo amin'ny fampandrosoana an'i Madagaskara.

Nanao ny fitsidihany voalohany teto amintsika ny filohan'ny Banky Iraisampirenena. Tamin'izany no nanambarany ny hahazo 100 tapitrisa dolara isika entina hanohanana ny teti-bolam-panjakana. Ankoatra izany, vokatry ny fahavononantsika hahatratra ny fahavitan-tena ara-tsakafo amin'ny alalan'ny fanovana ny fambolena sy ny fiompiana dia nampitomboin'ny Banky Iraisam-pirenena avo roa heny ny famatsiam-bola ho an'ny fampitomboana ny fambolena sy fiompiana ary ny fiarovana ny fananan-tany (CASEF). Izany dia hahafantsika manome fanamarinana fananan-tany miisa 2 tapitrisa hatramin'ny taona 2022, ny fanamboarana ireo lalana ambanivohitra mba hampifandraisana ireo mpamokatra sy ireo tsena ary hanohanana ny fanatsarana ny vokatra aondrantsika. Eo ihany koa ny fanaovan-tsonia ny fifanarahana amin'ny famatsiana ny fanamboarana ny RN5-A sy ny firoson'izany asa izany ankehitriny izay mampiseho ny fahavitrihantsika eo amin'ny fanapahan-kevitra noraisina sy ny fampiarana izany ho asa mivaingana.

Ireo fanapahan-kevitra manan-danja roa izay vao nolazaiko ireo dia hanova ny fainan-tokantrano an'aliny maro. Ny fanamarinana fananan-tany dia hanamora ny fahazoan'ireo tantsaha famatsiam-bola izay hipaka mivantana amin'ny famokarana ary hiaro ny fananam-pianakaviana izay manan-danja lehibe amin'ny kolontsaina sy ny fiarhamonina misy antsika satria lova hoan'ny taranaka faramandimby ireny.

Noho izany misy toromarika maromaro ireto izay tokony ho jerena akaiky:

- Fanatanterahana avy hatrany ireo tetikasa ho an'ny taona 2019 araka ny voasoratra ao amin'ny lalàna mifehy ny teti-bola nasiam-panitsiana.
- Fandrindrana ireo tetikasa laharam-pahamehana ho enti-manatantekra ireo velirano ka tohizana ny fanoratana izany ao anatin'ny teti-bola ho amin'ny taona 2020
- Fandrindrana tsara ny "Plan Emergence Madagascar" hifanarakaka amin'ny lalàna mifehy ny teti-bolam-panjakana 2020
- Fampitomboana ny tahan'ny fampiasam-bola mahakasika ireo tetikasa nahazoana famatsiam-bola ayy amin'ireo mpamatsy vola amin'ny alalan'ny fanatsarana ny fitantana ireo tetikasa miainga avy amin'ny famolavolana, ny fanatanterahana, ny fanaraha-maso ary ny tomban'ezaka.

FANAMAFISANA IREO TETIKASA SOSIALY

Tsy maintsy mametraka politikam-piarovana ara-sosialy mirindra sy milamina tsara isika mba hampilamina ny fiaraha-monina. Mila ampiasaina am-pamendrehana ny famatsiana mitentina 90 tapitrisa nomen'ny Banky Iraisam-pirenena tamin'ny volana martsa 2019. Io famatsiana io dia hanohana ny fnampiana ara-bola ireo tokantrano marefo.

Ireo fanampiana avy any ivelany dia matetika mifototra amin'ireo andrim-panjakana amin'ny alalan'ny fampiofanana, ny fanomezana solosaina sy fiara ho an'ny fitantanana izay tsy misy vokatra mivantana amin'ny fiainan'ny vahoaka. Manomboka izao, dia tsy maintsy ampiasaina amin'ny fanamboarana fotodrafitsara izy ireny: toy ny toha-drano, ny lalana, ny fitaovana fambolena sy fiompiana, ny toera-pitsaboana, ny sekoly. Ireo tetikasa nahazo famatsiam-bola dia tokony hitondra voka-tsoa eo amin'ny toe-karena sy ny aratsosialy. Tokony hahay hifampiresaka sy handresy lahatra amin'ireo mpamatsy vola isika hisafidy izay tetikasa mahasoa ny vahoaka. Adidintsika no mandroso sy manolotra tetikasa ary miady ho amin'izany.

Ny famatsiam-bola rehetra dia mila drafitra maty paika sy mivaingana ary mifandraika amin'ny PGE.

Araka izany tokony hisongadina ao anatin'ny « Plan Emergence de Madagascar » ny sehatra voarakitra ao anatin'ireo velirano 13. Mila mifampiresaka amin'ny mpamatsy vola ny minisitra

tsirairay avy mandresy lahatra, mitondra ny volavolan-kevitra sy tetikasa efa voadinika tsara. Ny fanapahana farany dia ho atao amin'ny Filankevity ny Minisitra.

Ny fampandrosoana dia miainga amintsika tsirairay. Ary avy amin'ny ezaky ny tsirairay no hahazoantsika vokatra tsaratsara kokoa ary ahafahana manampy ny vahoaka sy mitondra aradàlana sy ara-drariny ny firenena ary indrindra makany amin'ny fampandrosoana tena izy.

Handeha lavitra isika fa mila mandeha haingana koa. Andriamatoa praiminisitra, lehiben'ny governemanta, ramatoa sy andriamatoa minisitra isany, andriamatoa sekreteram-panjakana, izany no anton'izao taratasy izao

Ny Filoham-Pirenena

Andry RAJOELINA

NANOME TOROMARIKA NY FILANKEVITY NY MINISITRA MIKASIKI IRETO LAMINA SY FANAPAHANA MANARAKA IRETO :

Hisy fandinihana manokana sy tetikady mafonja ny mikasika ny famatsiandrano mba hampifanarahana ny filan'ny mponina sy ny famatsiandrano manerana ny faritra ary indrindra eto andrenivohitra.

II - FANDANIANA DIDIM-PANJAKANA :

Araky ny volavolan-kevitra naroson'ny fiadidiana ny Governemanta dia noraisina ny didimpanjakana manakatona ny fivoriana tsy ara-potoana eo anivon'ny Antenimieram-pirenena sy ny Antenimieran-doholona ny 23 Aogosoitra 2019 amin'ny 04 ora tolakandro avy

III - FANENDRENA

Ny Filankevity ny Minisitra dia nankatoa ny fanendrena ireto mpiasam-panjakana ambony ireto :

Araky ny tolo-kevitry ny Ministry ny toekarena sy ny fitantanam-bola :

- Atoa RANDRIARIMANGA Henry voatendry ho Lehiben'ny Vaomieram-parity ny tolotrasam-panjakana ao Alaotra Mangoro.
- Atoa RIJAVOLA Herijaona Andriamihaja, voatendry ho Lehiben'ny Vaomieram-parity ny tolotrasam-panjakana ao Analamanga.
- Atoa RAVELOARISON Jean Pierrot, voatendry ho Lehiben'ny Vaomieram-parity ny tolotrasam-panjakana ao Analanjirofo

- Atoa RAKOTOARINORO Mamy Heriniaina, voatendry ho Lehiben'ny Vaomieram-parity ny tolotrasam-panjakana ao Androy
- Atoa RAKOTONIRINA Eric Herman, voatendry ho Lehiben'ny Vaomieram-parity ny tolotrasam-panjakana ao Atsimo Atsinanana
- Atoa TATAMIARISOA Hubert Dulong, voatendry ho Lehiben'ny Vaomieram-parity ny tolotrasam-panjakana ao Atsinanana.
- Atoa RIVOMANANTSOA Herijaona Auberlin, voatendry ho Lehiben'ny Vaomieram-parity ny tolotrasam-panjakana ao Betsiboka.
- Atoa RABEMANANJARA Naomy, voatendry ho Lehiben'ny Vaomieram-parity ny tolotrasam-panjakana ao Boeny
- Atoa RANDRIANTSOSA Norohanta, voatendry ho Lehiben'ny Vaomieram-parity ny tolotrasam-panjakana ao Bongolava
- Atoa RAFANOMEZANTSOSA Francis, voatendry ho Lehiben'ny Vaomieram-parity ny tolotrasam-panjakana ao Diana
- Atoa RAMILSON Zafiandy Amédé, voatendry ho Lehiben'ny Vaomieram-parity ny tolotrasam-panjakana ao Haute Matsiatra.
- Atoa RATOVELOSON Andrioveloto Harinjaka Henri, voatendry ho Lehiben'ny Vaomieram-parity ny tolotrasam-panjakana ao Ihorombe.
- Ramatoa RANDRIANARIJAONA Hasiniaina Tsimalofy, voatendry ho Lehiben'ny Vaomieram-parity ny tolotrasam-panjakana ao Itasy.
- Ramatoa RAJONSON Zaratiana Finaritra, voatendry ho Lehiben'ny Vaomieram-parity ny tolotrasam-panjakana ao Menabe.
- Atoa BEFOUROUACK Daniel Ghislain, voatendry ho Lehiben'ny Vaomieram-parity ny tolotrasam-panjakana ao Sava.
- Atoa DOKOLAHY Randrianirina Victor, voatendry ho Lehiben'ny Vaomieram-parity ny tolotrasam-panjakana ao Sofia.
- Atoa RASAMOELINA Eric Tiana, Lehiben'ny Vaomiera foibe misahana ny tolotrasampanjakana

Araky ny tolo-kevity ny Minisitry ny fanabeazam-pirenena sy ny fampianarana teknika ary ny fanofanana arak'asa

- Atoa SENDRADILIFERA Eluidoni Masimbonjy, voatendry ho Tale misahana ny Fitantanambola.
- Atoa RASOLOMANDIMBY Mahefatiana Philibert, voatendry ho Tale misahana ny Fitantanambola ao amin'ny Office National des Compétences et de la Formation Professionnelle.

Araky ny tolo-kevity ny Minisitry ny angovo, rano ary ny akoranafo :

- Atoa **FIANDRAZA** voatendry ho Filohan'ny Filankevim-pitantanan'ny AES na ny famatsiandrano any atsimo.

Araky ny tolo-kevity ny Minisitry ny Fitaterana, ny fizahantany ary ny famatarana ny toetr'andro

- Ramatoa **RAKOTOARISOA Volanirina Marie Sarah**, voatendry ho Tale miandraikitra ny mpiasa.
- Atoa **RAKOTOVAHINY Liva Jean Luc**, voatendry ho Sekretera Jeneraly

Araky ny tolo-kevity ny Minisitry ny fampianarana ambony sy ny fikarohana ara-tsiantifika

- Atoa **RAZAFINDRAZANAKOLONA Andrianjafimanjato Daniel**, voatendry ho Tale Jeneraly mpisolo toeranavonjy maika ny « Institut Supérieur de Technologie ao Ambositra ».

IV - FANAFOANANA :

Tapaka nandritra ny Filankevity ny Minisitra ireto fanafoanana manaraka ireto :

Araky ny tolo-kevity ny Minisitry ny Fanabeazam-pirenena, ny fampianarana teknika ary ny fanofanana ara-kasa :

- Foana ny didim-panjakana laharana n°2018-927 tamin'ny 01 aogositra 2018 nanendry ny « Coordonnateur Général des Programmes et Projets ».

Araky ny tolo-kevity ny Minisitry ny serasera sy ny kolontsaina :

- Foana ny didim-panjakana laharana n°2019-1256 tamin'ny 06 jona 2019 nanendry ny Talem-paritra ao Matsiatra ambony.